



Il pign comite d'organisaziun: Renato Livers, schef dil comite d'organisaziun, Nina Ragetti e Darius Tuor.



Massa gliued all'arrivada sigl areal dalla scola da skis a Breil.

FOTOS A. BEELI

Sulegl, neiv loma e massa gliued

2. Sport Beat Fun Banket Slalom cun 150 participonts

■ (anr/abc) Per la secunda gada han Renato Livers, Nina Ragetti, Darius Tuor, da cuminonza cun ina squadra da gidonters, organisau ina cuorsa per la fin dalla stagiun sigl areal dalla scola da skis. Massa ein vegni ed han gudiu il spitachel. Las preparativas marschien bein, els hagian retschert 120 annunzias, haveva Renato Livers communicau ils 2 da mars. Enteifer cuort temps, strusch ch'il comite haveva publicau l'occurranza, ein quellas vegnidas. Carschi ed afons – biars che fuvan separticipai gia igl onn vargau – han buca vuliu munchentar il gaudi ella neiv.

Puspei Carlina Deflorin

Duas jamnas pli tard fuva il diember d'annunzias s'augmentaus sin 150, 40 afons e 110 carschi. Dapli hagian els buca vuliu prender, per motivs dalla logistica e per saver garantir segirtad e survesta. Tontas personas ein separticipadas sonda vargada al 2. Sport Beat Fun Banket Slalom a Breil. Las relaziuns da neiv silla pista encunter il nord fuvan buvas, malgrad che la neiv marscha luava ad in luar. Il plaz da fiasta ora el liber ei buca staus sut l'aua. Lezza ha denton, sustenida dil sulegl primavaun che ha splendurau gl'entir gi, formau puoz e pultauns all'arrivada. Tiel gaudi d'enzacons pli gagliards ha ei s'udiu dad ir tras l'arrivada cun slontsch e da squittrar ils pultauns. Tiels carschi ha ei dau quater categorias, tiels affons tschun. Gudignau tier las damas ella categoria snowboard ha Carlina Deflorin da Breil. Ella haveva gudignau gia igl onn vargau. Tiels umens snowboard ha Benedikt Nadig da Flem gudignau. Sin skis ha Fabio Tuor gudignau tiels umens e Christa Seiler tier las damas.



In participont muossa tgei che «Fun Banked Slalom» ei.

Cullas relaziuns il gi dalla cuorsa han ils organisaturs tuttavia saviu esser cuntents. Tschiel blau e temperaturas primavaunas, massa gliued alla partenza, massa aspectaturs sigl areal dalla scola da skis ed in percours animont. Finamira dil Sport Beat Fun Banked Slalom amiez la plaunca sut il crest da Tschuppina seigi da principi nuot auter che da tener e promover il plascher vid il sport da neiv. Biars dils participonts ein cumpari alla cuorsa els pli differents costumes, quei che ha augmentau la tempr e l'atmosfera luca da quell'occurranza.

Numerus voluntaris

Per saver garantir la cuorsa da slalom sil tschancun fixau han Renato Livers e sia squadra stuiu far sforzs extraordinaris da

preparar la pista. Formau ils gronds bauns da neiv culs carauns aults han els cun agid da rodund 20 voluntaris e maschinas per stuschar e reparter la neiv. Renato Livers ei satisfats ch'el ha puspei saviu quintar culla giuventetgna da Breil. La vischnaunca ei segidada, la scola da skis sco partenaria ed ina retscha da sponsurs. Sco igl onn vargau han ils organisaturs dau gronda peisa al program accumulont. Igl onn vargau haveva Pascal Gamboni dau in concert open air sigl areal dalla scola da skis. Uonn han Mattiu Defjuns e Sven Spescha divertiu, plinavon il DJ Louis de Fumer. La cuorsa ei stada a fin entuorn las 16.00. Pér cu il sulegl ei ius da rendiu han ils participonts e visitaders dislocau ell'ustria Arena dalla scola da skis. Leu ha la rangaziun cun

musica ella pintga «Oldies-Bar» ed ella tenda scaldada giu liug avon il local principal.

Rangaziun 2. Sport Beat Fun Banked Slalom a Breil

Categoria affons

Mattatschas, aissa, annadas 2001 e pli giuvnas
1. Ladina Streit, Bülach; 2. Ladina Derungs, Breil; 3. Riccarda Streit, Bülach; 4. Emile Carigiet, Cuera; 5. Dalma Harko, Glion; 6. Selina Derungs, Breil.

Buobs, aissa, annadas 2001 e pli giuvnas

1. Laurin Derungs, Breil; 2. Joel Pfister, Breil.

Mattatschas, skis, 2001 e pli giuvnas

1. Shanaya Tschuur, Breil; 2. Giannina Arpagaus, Breil; 3. Celia Berther, Breil; 4. Mia Wielath, Cuera; 5. Leonor Santos, Breil; 6. Anna Pedrolini, Valendau.

Buobs, skis, annadas 2006 e pli giuvnas

1. Liviano Tschuur, Breil; 2. Marvin Seiler, Breil; 3. Gino Arpagaus, Breil; 4. Livio Vincenz, Breil; 5. Henrik Menzi, Breil; 6. Tino Cathomas, Breil; 7. Laurin Lang, Breil; 8. Curdin Cathomas, Breil; 9. Toni Risch, Vuorz; 10. Andri Livers, Breil; 11. Levin Caduff, Breil.

Buobs, skis, annadas 2001–2005

1. Nando Cathomas, Breil; 2. David Cavegn, Breil; 3. Nicolai Kubli, Meilen; 4. Mauro Cavegn, Breil; 5. Tim Beck, Glattfelden; 6. Lian Vincenz, Breil.

Categoria carschi

Aissa, damas, naven dall'annada 2000 (total 17)

1. Carlina Deflorin, Breil; 2. Sabrina Just, Flem; 3. Christine Spescha, Vuorz; 4. Milena Cavegn, Altstätten; 5. Manon Sonderegger, Wil; 6. Nicole Schneider, Breil; 7. Livia Tomaschett, Cuera; 8. Michelle Reber, Winterthur; 9. Nicole Derungs, Breil; 10. Stefanie Gübeli, Turig; 11. Clara Overkott, Turig.

Skis, damas, naven dall'annada 2000 (total 8)

1. Christa Seiler, Breil; 2. Ronja Muoth, Breil; 3. Gwendolin Mewyer-Kossert, D-Andernach; 4. Daniela Wegener, Richterswil; 5. Fabienne Mutschler, D-Stuttgart; 6. Tiziana Mutschler, D-Stuttgart; 7. Tabea Lukoschus, D-Kassel; 8. Rahel Cathomas, Breil.

Aissa, umens, naven dall'annada 2000 (total 46)

1. Benedikt Nadig, Flem; 2. Renato Nadig, Flem; 3. Simon Cavegn, Breil; 4. Cyril Spescha, Vuorz; 5. Philipp Tuor, Breil; 6. Pascal Beer, Mustér; 7. Florian Bänninger, Au ZH; 8. Alexander Egli, Cuera; 9. Pius Venzin, Turig; 10. Marcel Hürlimann, Breil; 11. Dominik Lei, Vorderthal SZ; 12. Kevin Balett, Breil; 13. Mirco Tiri, Schluenig; 14. Mattiu Cathomas, Breil.

Skis, umens, naven dall'annada 2000 (total 34)

1. Fabio Tuor, Breil; 2. Maic Ventura, Breil; 3. Roman Deflorin, Breil; 4. Simon Comtesse, Uerikon; 5. Sandro Lutz, Mustér; 6. Serafin Caminada, Glion; 7. Silvan Dietrich, Breil; 8. Kevin Ebnöther, Vorderthal SZ; 9. Roman Cathomas, Breil; 10. Robin Balett, Breil; 11. Lewin Sonderegger, Winterthur; 12. Marcel Keller, Uznach; 13. Gian Heini, Siat; 14. Gian Capaul, Breil.

■ NOS LECTURS RAPPORTAN

Fiasta d'engraziament per voluntarias e voluntaris

Per la suletta uniu d'harmonicas sin intsches romontsch e dil Grischun ei l'organisaziun dalla 17. Fiasta federala d'acordeon 2016 a Mustér stada ina provocaziun dalla quala nus tuts vegnin segir e franc aunc ditg a raquinter. Mirau anavos eisi stau ina bellezza festività plein harmonia e sustegn vicendeivel da lunsch e da maneivel. Igl onn 2012 ha nies president dall'Uniu d'harmonicas Cadi (UHC), Flavio Murer, mess fil en guila a tala historia e quei cun in spass durant igl aperitiv dalla radunonza da delegai d'Accordeon Svizra a Winterthur. Cun quei ch'ils responsabels d'Accordeon Svizra, l'uniun tetgala dil moviment d'acordeon, han buc anflau in'uniun organisaziun ord la regiun d'acordeon dalla Svizra nordoccidentala han ei mess suenter tut en moviment ed instradau ils pass necessaris per surdar definitivamein la festività all'UHC. Ord quei spass ei aschia daventau pils commembers

dall'UHC, che savevan nuot dils plans dil president, vera realitad. Cun forzas unidas, bia plascher, carezia pil detagl e biaras voluntarias e voluntaris da lunsch e da



Flavio Murer, il president dall'Uniu d'harmonicas Cadi.

maneivel ei la festività d'acordeon daventada in success cumplein. Nus astgein dir che nus tuts havein mussau a moda impressiunonta tgei potenzial che schai en nossa vischnaunca ed en nossa regiun. Las 82 formaziuns cun 1400 activas ed activs han surdau a nus tuts il predicat excellent. Sonda, ils 18 da mars 2017 ha la fiasta d'engraziament per nossas voluntarias e nos voluntaris giu liug. Ina mudesta tscheina cun presentaziuns da maletgs e tuns dalla fiasta ed in cuort concert d'engraziament han schau reviver quels bials dis cun ina ni l'autra anecdota.

Dumengia, ils 26 da mars 2017 a caschun dalla radunonza da delegai d'Accordeon Svizra a Stansstad (Sutsilvania) han ils delegai approbau quen e rapport final dalla 17. Fiasta federala d'acordeon 2016 a Mustér e gudiu la davosa presentaziun romontscha en tun e maletg da nies president d'honor dall'UHC Flavio Murer. Ils responsabels d'Accordeon

Svizra han honorau Murer per sia lavur e siu engaschi sco president dil comite d'organisaziun dalla 17. Fiasta federala d'acordeon 2016 sco niev commember d'honor d'Accordeon Svizra. Flavio ha astgau retscheiver en accompignament da nies bandierel d'Accordeon Svizra e commember dall'UHC Erwin Fatzer il diplom d'honoraziun ed in bi regal sco regurdientscha. En num dils commembers dall'Uniu d'harmonicas Cadi gratulein nus da cor al Flavio. In engraziament pigl engaschi nunstunclenteivel dils davos quater onns en favur da quella biala festività d'acordeon en tiara romontscha che vegn a restar unica. Cun plascher patertgein nus vid quei temps harmonic e quella biala fin d'jamna da nossa festività d'acordeon, las bialas sentupadas, las bialas uras e la cordialitad da tut nos mauns gidonters cheu a Mustér. Viva igl acordeon!

Uniu d'harmonicas Cadi

Niev menader da canzlia per la vischnaunca Ilanz/Glion

■ (cp) La vischnaunca Ilanz/Glion ha in niev menader dalla canzlia e cun quei era in niev commember dalla direcziun communal. La suprazionza communal ha eligi Michael Spescha, actualmein menader da finanzas e persunal tier la vischnaunca Lumnezia, sco successeur da Martin Gabriel che banduna la vischnaunca la fin da zercladur. Il niev scarvon dalla vischnaunca Ilanz/Glion ei commerciant e lavura dapi igl onn 2002 ell'administraziun communal. Spescha ha 34 onns ed ei carschius si a Glion. El entra en uffeci sil pli tard igl 1. d'october 2017.



Michael Spescha diventa niev scarvon dalla vischnaunca Ilanz/Glion.

MAD